

3179

ՀՐԴՐՐԻ ԷՏՐՉ ԿԻՂԵՉ PH.D.

ՓԱՄԱՆԱԿԱԿԻՑ  
ՊԱՏՄՈՒԹԵԱՆ  
ՍԵՒԱԳՈՅՆ ԷՁԸ

1915 Ի ՀԱՅԿԱԿԱՆ ԴԵԴԹԵՐ

ԻՐՈՂՈՒԹԻՒՆՆԵՐ ԵՒ  
ՊԱՏԱՍԻԱՆԱՏՈՒՈՒԹԻՒՆՆԵՐ

(ՊԱՏԿԵՐԱԶԱՐԴ)



Յառաջաբան՝ ՏՐ. Յ. ԹԻՐԵԱՔԵԱՆ

ՐԱՐԳՄԱՆԵՑԻՆ

Ա. ՍԱՂԱԹԵԼԵԱՆ ԵՒ Ե. ՄՐԸ

ՆԻԻ ԵՈՐՔ

1916

9(47.925)

Կ-50



9(47.925)  
4-50

ԺԱՄԱՆԱԿԱԿԻՑ ՊԱՏՄՈՒԹԵԱՆ  
ՍԵՒԱԳՈՅՆ ԷՋԸ

1915Ի ՀԱՅԿԱԿԱՆ ԴԵՊՐԵՐ

ԻՐՈՂՈՒԹԻՒՆՆԵՐ  
ԵՒ ՊԱՏԱՍԻԱՆԱՏՈՒՈՒԹԻՒՆՆԵՐ

Հեղինակ՝  
ՀԸՐՊԸՐԴ ԷՏԸՄՁ ԿԻՊԻՆՁ

Յառաջարան՝  
ՏՐ. Յ. ԹԻՐԵԱՔԵԱՆԷ


Թարգմանեցին՝  
Ա. ՍԱՂԱԹԷԼԵԱՆ Է. Ե. ՄՕՐԼԵԱՆ



«ՀԱՅԿ ՏՊԱՐԱՆ»  
ՆԻՒ ԵՈՐՔ

1916

1917  
Բայ կրիտ  
Հար Ետրուա  
Երբ որ Բայ  
այ Տր Բիր Բր Եր  
Զկրի՝ Բրբբբ  
Երկ Երկ Երկ  
Երբ Երբ Երբ  
Երբ Երբ Երբ



ՀԱՅԿԱԿԱՆ ԶԻՆԱՆՇԱՆ

2012



9-526-91

84069-Վ.Յ.

«Եւ ասէ Տէր Աստուած ցկային, Ո՞ւր է  
Հաբէլ՝ եղբայր քոյ: Եւ նա ասէ, Զգիտեմ,  
միքէ պահապա՞ն իցեմ եղբօրն իմոյ:»

ԾՆՆԴՈՑ Դ., 9:

## ՅԱՌԱՋԱԲԱՆ

Սիրելի Հայ Ուսանողներ,

Տեսայ ձեր ընկերովի կատարած այս քարգմանութիւնը, եւ բնագրին հետ ուշի ուժով բաղդատելով, հարագատ գտայ, եւ լեզուն ալ Հայերէն, ինչ որ այս օրուան օրս քիչ առատելութիւն չէ: Շնորհաւորելի էք: Գալով նիւթին, քէեւ նորութիւն մը չպարունակեր, այլ եւ այլ աղբիւրներէ այլ եւ այլ անգամներ ըսուած և լսուած նեմարտութիւններ են, սակայն ասով շահեկան ըլլալէ չդադրիր: Տխուր իրողութեանց աղեխարօ դրուագները այսպէս կարն եւ ամփոփ հատորիկի մը մէջ խտացած եւ անաչառ եւ անողոք տրամաբանութեամբ վերլուծուած, միւտ ուշագրաւ եւ միւտ ներչընչարան է՝ քէ՛ ներկայիս եւ քէ՛ ապագային, եւ անուշտ ամէն Հայ գրագրարանի մէջ

Եւ գրասեղանի վրայ կարեւորագոյն տեղը պիտի բռնէ:

Անո՛վ մանաւանդ գրփոյկին յարգը կը բարձրանայ, որ ազնիւ Ամերիկացին, Հըրպըրդ Էտըմզ Կիպընզ, ինք անձամբ տեսած, լսած եւ ստուգած է ինչ որ կը պատմէ: Երեւկայութեան կամ բոցավառ զգայականութեան գործ չէ սա, այլ անմոայլ տեսողութեան, հանդարտ կեռադատութեան եւ ուղղամիտ եւ առողջ հետազոտութեան:

Շնորհակալութի՛ւն և պատիւ այսպիսեաց որ պատիւ կը բերեն մարդկութեան:

Մինչեւ Ե՞րբ սակայն, մինչեւ Ե՞րբ, ո՞հ, պիտի նիւթ ընծայենք պատմական այս «Սեւ Էջ»երուն: Մինչեւ Ե՞րբ աշխարհ պիտի կոչուի արգահատել՝ գթալ՝ խղնալ մեր վրայ, առանց կրնալ վանելու անուշտ արհամարհանքն ալ: Մինչեւ Ե՞րբ հայրենասէր Ծերունոյն \* «Հանուրց Հիւսիսականաց Վեհագոյն» ը այսօր մարդկութեան յետին խաւերու յետնագոյն Մոնկոլի մը ձեռքը այսպէս նկուն եւ նշաւակ պիտի մնայ:

---

(\*) *Խորենացին*

Ո՞վ պիտի պատասխանէ աս հարցերուն.—  
մե՞նք, քէ՞օ օտարը:

«Ժամանակը յղի է» ըսելով ֆառուեցան գացին իմ սերունդիս բոլոր ակնկալուները. ինձ վիճակուեցաւ տեսնել քէ «յերկունս է ժամանակը»:

Ի՞նչ ծնունդ արդեօք:

Ա՛յս է ահա որուն ակնդէտ եմ՝ սրտատրոփ:

*Յ. ԹԻՐԵԱՔԵԱՆ*

1 Օգոստոս 1916

Նիւ Եորք

## ԲՈՎԱՆԴԱԿՈՒԹԻՒՆ

ԵՐԿՈՒ ԽՕՄԲ՝ ՏՐ. Յ. ԹԻՐԵԱՔԵԱՆԷ	էջ 4
ՆԱԽԱԲԱՆ	13
ՆԵՐԱԾՈՒԹԻՒՆ	17

### ԳԼՈՒԽ Ա.

1915 Ապրիլին, Օսմանեան կառավարու-  
թիւնը Թուրքիոյ մէկ ծայրէն միւսը  
սկսաւ գործադրութեան դնել սիսդէ-  
մադիք եւ խնամով պատրաստուած  
ծրագիր մը բնաջնջելու Հաչ ցեղը:  
Վեց ամսու ընթացքին մօտաւորապէս  
մէկ միլիոն Հաչեր սպաննուեցան:  
Զոհերու թիւը եւ անոնց փճացումի  
եղանակը ժամանակակից պատմու-  
թեան մէջ աննախընթաց է: . . . 25

**ԳԼՈՒԽ Բ.**

Հայեր, իբր ցեղ, Թուրքիոյ ապահովութեան սպառնալիք չեն, եւ չեն եղած ամենեւի՛ն: Անոնք անպարտ են անհաւատարմութեան ամբաստանութեանէն, զոր իբր չքմեղանք կը գործածուի ջարդերու եւ տեղազանութեան: . 41

**ԳԼՈՒԽ Գ.**

Հայ տարրի պահպանումը Օսմ. կայսրութեան բարգաւաճումին եւ բարօրութեան համար բացարձակ անհրաժեշտութիւն է: Դարերու ընթացքին ապացուցուած է թէ՛ Քրիստոնեայ եւ Իսլամ խաղաղ եւ համերաշխ կրնան ապրիլ Թուրքիոյ մէջ, որ երկուքին ալ հայրենիքն է հաւասարապէս: . 59

**ԳԼՈՒԽ Դ.**

Գերման կառավարութիւնը կրնար արգելել Թուրքիոյ հայաջինջ ձեռնարկը, բայց ան որոշած է ոչինչ ընել: Լուրջ պատճառներ կան հաւատալու թէ՛

Գերման կառավարութիւնը, եթէ չէ քաջալերած, ապահովարար ծափողջունած է Հայերու անհետացումը Փոքր Ասիայէն, որպէսզի Գերմանիոյ քաղաքական եւ տնտեսական ծրագիրը դիւրաւ ի գործ դրուի Օսմ. կայսրութեան մէջ: . . . . . 73

ԵԶՐԱԿԱՅՈՒԹԻՒՆ . . . . . 85

ԱՂԲԻՒՐՆԵՐ . . . . . 91

ՀԱՅ ԿԵԱՆՔԻ ԴՐՈՒԱԳՆԵՐ —  
(սքեղ նկարներու շարքով մը) . . . 97

ԺԱՄԱՆԱԿԱԿԻՑ ՊԱՏՄՈՒԹԵԱՆ  
ՍԵՒԱԳՈՅՆ ԷՋԸ

---

ՆԱԽԱԲԱՆ

Պատերազմը, որ սկսաւ 1914 Օգոստոս 1ին, հետզհետէ ընկլուզեց մեծ ու փոքր ազգեր, որոնք ի սկզբանէ մասնակից չէին: Ուրիշ ազգութիւններ, մեծ կամ փոքր, թէեւ դեռ կը ճգնին պաշտօնական չէզոքութիւնը անվթար պահել՝ այսուհանդերձ, պատերազմիկ կրկնակ կողմերուն հետ, ինքզինքնին դիւանագիտական կնճիռներու մէջ կը գտնեն: Ի բաց առեալ Հարաւային Ամերիկա, աշխարհի բոլոր մասերը Եւրոպա զօրա-

բաժիններ ղրկած են կռուելու: Ափրիկէի, Ասիոյ եւ Աւստրալիոյ ճակատագիրները վտանգուած են: Պատերազմը լրանալէն առաջ, Եւրոպա տեղի ունեցող վիթխարի պատահարներէն Արեւմըտեան Կիսագունդն եւս պիտի ազդուի:

Պատերազմի տեւողութեան այս միջոցին, դեռ եւս նախապաշարուած մեր շահերով եւ համակրանքներով, ո՛չ մասնակիցները եւ ո՛չ ալ հանդիսատեսները՝ պատերազմի իրադարձութիւններուն պատճառաւ՝ ի վիճակի չեն որոշ դատողութիւն կազմել, պատերազմի ծագման բազմաթիւ հարցերուն եւ ներհակ կէտերուն նկատմամբ, որոնք ի յայտ եկած են պատերազմող երկու կողմերուն եւ պատերազմիկներու ու չէզոքներու միջեւ:

Բայց այս պարագան մի՞թէ կը հարկադրէ զմեզ տակաւին վերապահ դիրքի մէջ մնալ, երբ պէտք է չայտնել մեր գա-

ղափարը ա՛յն պատահարներուն շուրջ, որոնք տեղի ունեցան 1914 Օգոստոսէն սկսած, եւ որոնք անարգել կը շարունակուին դեռ: Աշխարհ էապէս անտարբեր չէ: Աշխարհ՝ իր խորքին մէջ, անյուսօրէն անձնասէր չէ: Աշխարհ անմեղներու եւ անզօրներու աղերսին խուլ չի մնար չաւէտ: Այլապէս իրաւունք կ'ունենայինք հաւատալ Քսաներորդ Գարու մեր Քրիստոնեայ Քաղաքակրթութեան ամբողջական անհետացումին:


Եթէ հետեւանքներէն ոմանք վիճելի են, եթէ մութ պատահարներ կան, եթէ երբեմն ամբաստանութիւններ եւ հերքումներ խնդրական են, անդին կան շա՛տ ուրիշներ զորս կարելի է ճշդել:

Որովհետեւ Հայկական Չարդերը բացայայտ կերպով հաստատուած են Թուրքիոյ մէջ, որովհետեւ պատասխանատուները որոշապէս կարելի է ցոյց տալ, եւ որովհետեւ՝ առանց քաղաքական շահի ակնկալութիւններու ամենաթեթեւ կաս-

կաճն իսկ ներշնչելու՝ կարելի է միջազգային մարդասիրական խղճմտանքին դիմում կատարել, Օսմանեան կայսրութեան մէջ ներկայիս գտնուող Հայ ցեղի մնացորդին համար, եւ որպէս զի մէջտեղ դրուին իրողութիւնները եւ մատնանշուին պատասխանատուները, հետեւաբար, գիրքիս հեղինակը պատշաճ եւ հրամայական կը համարի հէնց այս վայրկեանին ուշադրութիւն հրաւիրել այն արարքին՝ որ անվիճելիօրէն ժամանակակից պատմութեան սևագոյն էջն է:

ՀԸՐՊԸՐԴ ԷՏԸՄՁ ԿԻՊԸՆՁ

Փարիզ, Դեկտ., 1915



ՏՐ. ՀԸՐՊԸՐԴԻ ԿԻՊԸՆՁ ԵՒ ՎԵՀ. ԳԷՈՐԳ ԿԱԹՈՂԻԿՈՍ

## ՆԵՐԱԾՈՒԹԻՒՆ

1908ի Ամրան, Երիտասարդ Թուրքերու ստիպումին վրայ, Համիտ վերահաստատեց այն սահմանադրութիւնը զոր ինք շնորհած եւ գրեթէ իսկոյն ջրնջած էր իր գահակալութեան նախօրեակին՝ երեսուն երեք տարի առաջ: Այս անգամ, ամբողջ քաղաքակիրթ աշխարհի մէջ, նպաստաւոր մամուլ մը ունեցան Երիտասարդ Թուրքեր, որոնց դրուատիքը ըրին ամենազգի գրողներ, և վառվռուն գոյներով նկարագրեցին Օսմանեան կայսրութեան փայլուն ապագան՝ Ազատութեան, Հաւասարութեան և Եղբայրութեան Բէժիմին ներքե: Եւրոպա եւ Ամերիկա՝ կարելի բոլոր միջոցներով իրենց բարեացակամութիւնը եւ գործնական քաջալերանքը շուսկեցին Թուրքիոյ բարեկարգիչներուն, նոր Բէժիմի




Հիմնաւորումին համար: Մեծ Պետութիւններէն, մասնաւորապէս Անգլիա եւ Ֆրանսա, Երիտասարդ Թուրքերու օգնեցին՝ փոխ տալով դրամ, եւ կարող խորհրդատուներ՝ Նաւալին եւ Գանձալին նախարարութիւններուն — Թուրք կառավարութեան երկու ամենատկար բաժանմունքներուն:

Կը բաւէ հարեւանցի ահնարկ մը նետել Արեւմտեան Եւրոպայի լրագրական շեղջերուն վրայ՝ համոզուելու այս չատարարութեան ստուգութեան: Սահմանադրական Բէթիմի առաջին դժուարին (եւ չուսախաբ ընող<sup>1</sup>) շրջանին, Եւրոպական և Ամերիկեան թերթերու Մերձաւոր Արեւելքի թղթակիցներէն մին ըլլալով՝ համեստօրէն կրնամ խոստովանիլ թէ, Երիտասարդ Թուրքերու հանդէպ ջերմ եւ անխախտ հաւատարմութիւն ցոյց տուինք: Յուսալով որ, նպա-

տակը միջոցը կ'արդարացնէ, կը վախնամ թէ մեր մէջ չկար մէկը որ երբեք մեղանչած չըլլար իր ըմբռնումներուն դէմ ճշմարտութիւնը քողարկելով, (suppressio veri) եթէ ոչ սուտ թելադրութիւններով (suggestio falsi): Արեւմտեան դիւանագիտութիւնը հաւատարիմ մնաց Երիտասարդ Թուրքիոյ, որքան Արեւմտեան լրագրութիւնը: Իրերայաջորդ Մեծ Եպարքոսներ զիս վստահացուցին թէ՛ Լոնտոնի եւ Փարիզի համազօրժակցութիւնը — քննադատութենէ խուսափելու ջօժարակամութիւնով, եւ շատ բաներու վրայէ լուծեամբ անցնելու պայմանաւ — Հնարաւոր պիտի դարձնէր նորահաստատ Սահմանադրութեան պահպանումը առաջին դժուարին ձմրան ընթացքին, և որ պիտի մարէր փոթորիկը Ապտ-իւլ-Համիտի փորձած հակացեղափոխութեան:

## ՃԱՄԱՆԱԿԱԿԻՑ ՊԱՏՄՈՒԹԵԱՆ

Նոր Բէժիմի առաջին ամսուն բաղ-  
դը ունեցաչ Թուրքիա երթալ, եւ ապրիլ  
Պոլիս ու Փոքր Ասիա մինչեւ Պալքան-  
եան աղետալի պատերազմին վախճանը:  
1908էն մինչեւ 1913, բացառիկ պատե-  
հութիւնը վաչկեցի ճամբորդել Եւրոպա-  
կան եւ Ասիական Թուրքիա: Այսպէս,  
Ժանօթացաչ Օսմանեան կայսրութեան  
ճակատագիրը իրենց ձեռքին մէջ կրող  
մարդոց հետ, եւ ականատես եղաչ այն  
ճակատագրական իրադարձութիւննե-  
րուն, որոնք, կործանումի չուսալքու-  
թեան փոխակերպեցին հինգ տարիներու  
վերածնունդի չոյսը: Իզմիր, Պոլիս եւ  
Պէյրութ՝ նոր Բէժիմի ծնունդը հռչակող  
տօնախմբութիւններուն ես ալ մասնակ-  
ցեցաչ: Քրիստոնեաչ, Իսլամ եւ Հրէա  
տարրերու հաշտութիւնը դիտեցի: Իս-  
լամ իւլէման եւ Քրիստոնեաչ քահանան  
զրկափարեցան, եւ միեւնոջն կառքերուն



ԵՂՅԱՅՍՈՒԹԻՆ (Չ)

## ՍԵՒՍԳՈՅՆ ԷՁԸ

մէջ՝ չաղթական թափօրներով՝ փողոցները շրջան ըրին:

Սկիզբէն իսկ, ամէն բանէ վեր, կը գտնուէի դիրքի մը մէջ, ուր սերտօրէն կըրցայ ճանչնալ Թուրքիոյ Հայերը, եւ Երիտասարդ Թուրքերու ու նոր Րէփիմի Հանդէպ անոնց իսկական զգացումներուն ծանօթացայ: 1909 Ապրիլին կը գտնուէի Ատանա, ուր Հայերու խանդավառութիւնը վարձատրուեցաւ երեսուն Հազարի կոտորածով մը՝ Կիլիկիոյ եւ Հիւսիսային Սիւրիոյ մէջ: Կոտորածէն առաջ դիտած էի Հայերու վերաբերումը: Ատանայի մէջ, իմ աչքերուս առջեւ անոնց արիւնը հոսեցաւ: Սրածուծի մոլեգնութիւնը անցնելէն վերջ, զանազան տեղեր անոնց հետ էի:

Այս ներածական տողերը, Հեղինակին անձին շուրջ, ակամայ գրի առնուած են: Եւ ատիկա անհրաժեշտ էր, բացա-

## ԺԱՄԱՆԱԿԱԿԻՅ ՊԱՏՄ ՈՒԹԵԱՆ

ուսպէս Հաստատելու իմ չաչտարարու-  
թիւններս, որպէս զի ինծի չըսեն թէ  
«Խնդիրին տեղեակ չէք», եւ թէ «Իբր-  
սեցիի մը Համար այս Հարցերուն նկատ-  
մամբ վճիռ արձակել անկարելի եւ սը-  
խալ է»: Քանզի փորձառաբար գտած  
եմ թէ Թուրքը և իր բարեկամները, երբ  
իրենց խօսուի Հայկական Հարցի մասին,  
պարզապէս կ'ուրանան փաստերդ եւ վը-  
ճիռիդ ձեռնհասութիւնը կասկածի տակ  
կը ձգեն: Հետեւաբար, կարեւոր կը նը-  
կատեմ չաչտարարել թէ՛ Հոս ցոյց տըր-  
ուած իրողութիւները կուզան մէկու մը  
կողմէ, որ մօտէն անձնական տեղեկու-  
թիւն ունի անոնց վաւերականութեան  
մասին, եւ այս փաստերու նկատմամբ ե-  
ղած դատողութիւնը արդիւնք է տարի-  
ներու ուսումնասիրութեան եւ զգուշա-  
ւոր, մանրակրկիտ քննութեան:

ԲՈՎԱՆԴԱԿՈՒԹԻՒՆ ԳԼՈՒԽ Ա.Ի

1915 Ապրիլին, Օսմանեան կառավարութիւնը Թուրքիոյ մէկ ծայրէն միւսը սկսաւ գործադրութեան դնել սիսդէմադիֆ եւ խնամով պատրաստուած ծրագիր մը բնաջնջելու Հայ ցեղը: Վեց ամսու ընթացքին մօտաւորապէս մէկ միլիոն Հայեր սպաննուեցան: Զոհերու թիւը եւ անոնց փնացումի եղանակը ժամանակակից պատմութեան մէջ աննախընթաց է:

ԳԼՈՒԽ Ա.

1914ի Աշնան, Թուրքերը՝ բանակին համար՝ Քրիստոնեաներու եւ Իսլամներու զօրահաւաքումի սկսան: Բովանդակ Թուրքիոյ մէջ, լման վեց ամիս, Հայեր զինուորական ծառայութեան կանչուեցան: Ունեւորներէն զինուորական փրկանք ընդունուեցաւ: Բայց քանի մը շաբաթ վերջ՝ աննկատ թողած զինուորական փրկագիրնէրը՝ անոնց տէրերուն զինուորագրութիւնը վերսկսուաւ: Պոլսոյ շրջակաները գտնուող Հայ դեռատի դասու զինուորները գործօն բանակին մէջ զետեղուեցան, ինչպէս Պալքանեան պատերազմի ատեն: Իսկ չափահասներ, եւ հեռաւոր վայրերու

Հայեր, գործածուեցան ճամբաներու, երկաթուղիներու եւ ամբողջիւններու շինութեանց: Հայեր ո՛ւր որ կանչուեցան, եւ ի՛նչ գործ որ չանձնուեցաւ, կատարեցին իրենց պարտականութիւնը. աշխատեցան թուրքիոյ պաշտպանութեան ի խնդիր: Քաջ զինուորներ եւ ուշիմ, ժրաջան ու շինարար աշխատաւորներ չաչտնագործուեցան անոնք:

1915 Ապրիլին, Պոլսէն Հրամաններ ղրկուեցան Փոքր Ասիոյ տեղական իշխանութիւններուն՝ ի գործ դնել կարելի եւ չարմար ամէն միջոց, կանխաւ անդամալուծելու Հայերու կողմէ փորձուելիք ապստամբական ոեւէ ձեռնարկ:

Տեղական իշխանութեանց շեշտուած էր թէ՛ Հայեր կայսրութեան ապահովութեան ծայրայեղ վտանգ կը սպառնային, եւ ազգային պաշտպանութիւնը կը պահանջէր ՀՐԱՄԱՅԱԿԱՆՕՐԻՆ կանխարգ-

գուշական խստութիւն, Հայերը ակնյրնաս դարձնելու:

Կարգ մը վայրերու տեղական իշխանութիւններ պատասխանեցին թէ՛ իրենք նշմարած չէին ո՛րեւէ կասկածելի գործունէութիւն Հայերու կողմէ, եւ չիւշեցուցին կառավարութեան թէ, Հայերը ո՛չ մէկ վնաս կրնային հասցնել, քանի որ զէնք չէին կրեր, եւ արդէն ամենէն կորովի արական տարրը բանակին մէջ կը գտնուէր: Կան թուրքեր որոնք ամօթի եւ գթութեան տեսակ մը զգացում ունին՝ Բայց թուրք պաշտօնեաներու մեծագոյն մասը՝ պատրաստակամ եւ եռանդազին՝ Պոլսէն եկած թելադրութիւնը կատարեց: Անսաստողներ փոխուեցան:

Եւ Հայկական ջարդերու նոր թուական մը սկսաւ...:

Նախ, այս ձեռնարկը կարելի ամե-

նաքիչ դժուարութիւնով գործադրելու համար, դեռ եւս քաղաքներու եւ գիւղերու մէջ մնացած Հայ բնակչութեան ուժեղ տղամարդիկը ազդարարութիւն ըստացան հաւաքուիլ չարմարագոյն վայր մը, ընդհանրապէս քաղաքէն դուրս: Ժանտարմներ եւ ոստիկաններ այս հրամանին գործադրութեան խստիւ հսկեցին: Ոչ ոք աչքէ վրիպեցաւ: Զանոնք ժողուելէ վերջ, բոլորն ալ սուրէ անցուցին: Գործադրութեան այս մեթոտը հրնարաւոր էր փոքր տեղերու մէջ, առհասարակ: Մեծ քաղաքներու մէջ սակայն, Պոլսոյ հրամանները, այսքան ճիշդ ու պարզ կերպով կատարել կարելի չէր միշտ: Հայ երեւելիներ, փողոցներու վըրայ կամ իրենց տուներուն մէջ, սպաննըւեցան: Ներքին քաղաքներու այրեր հսկողութեամբ «ուրիշ քաղաք» ղրկուեցան: Քանի մը ժամէն վերադարձան պա-

հապանները՝ առանց իրենց բանտարկեալներուն...: Ծովեզերեայ քաղաքներու Հայեր նաւակներով «ուրիշ նաւահանգիստ» մը տարուեցան: Նաւակները զարմանալիօրէն շուտ վերադարձան՝ պարպուած իրենց ճամբորդներէն:

Յետոյ, որպէս զի երկաթուղիի եւ ճամբաներու շինութեան համար գործածուող Հայ զինուորներ կարող չըլլան ոեւէ հաւանական դժուարութիւն չարուցանել՝ կ'աշխատցուէին իրարմէ մղոններով հեռու կէտերու վրայ, 300էն 500 հոգի պարունակող խմբակներու բաժնուած: Թուրք կանոնաւոր բանակի զօրագունդեր ղրկուեցան շուտով «Հայ չեղափոխութիւնը նուաճելու»: Յանկարծակի չարձակուած կրեցին բանուորական այդ փոքրիկ խմբակները, որոնք չարաչար կ'աշխատէին թիերով, լծակներով եւ փետատներով: Այս «ապստամբնե-


ր»ը ծակծկուեցան զնդակներով՝ գիտնալէ առաջ թէ ի՛նչ կը պատահէր... : Մէկ քանին որ չաջողեցան վախչիլ՝ հետապնդուեցան հեծեալներէ կամ թրատուեցան : Հեռագիրներ տեղացին Պոլիս, Թալէադ Պէյին, աւետելով թէ՛ «Հո՛ւ հո՛ն եւ ամենուրե՛ք Հայկական յեղափոխութիւնը ջախջախուած էր» : Թալէադի կարգին, հեռագրով շնորհաւորեց տեղական պաշտօնեաները, իրենց կտրուկ միջոցներու չաջողութեան համար : Եւ, վերահաս վտանգի մը առջեւ առնուած ըլլալուն իբր սպացոյց՝ հեռագրական այդ հաղորդագրութիւնները ցոյց տըրուեցան չէզոք դիւանագէտներու եւ չէզոք թերթերու Պոլսական թղթակիցներուն, որոնց ականջը հասած էր տարտամ արձագանգը՝ Հայկական ջարդերու կրկնումին : «Մենք անգութ չենք դրտնուած, սակայն կ'ընդունինք թէ խիստ

եղած ենք», չայտարարեց Թալէադ Պէյ : «Ասիկա պատերազմի ատեն է» : Ինքըզինք Հայ ցեղի գործունեաց արու դասէն ազատելէ վերջն ալ, Թուրք կառավարութիւնը տակաւին անհանգիստ կ'ըզգար : Ծեր, կին, տղայ եւ մանուկ վտանգաւոր տարր էին Օսմ. կայսրութեան ! Պէտք էր Հայութիւնը Թուրքիայէն արմատախիլ ընել : Սակայն արդեօք ի՛նչպէս կարելի էր գործադրել այս նպատակը, որպէս զի, Ուաշինկիթընի Թուրք դեսպանը և Գերմանական թերթեր կարողանային ըսել, ինչպէս որ ըսին եւ դեռ կը շարունակեն ըսել, թէ «Բոլոր սպաննուածները կը պատկանին այն ըմբոստ տարրին, որ՝ արիւնոտ ձեռքերով՝ յանցանքի մէջ բռնուած է, եւ կամ Օսմ. կառավարութեան դէմ դաւաճանական արարքի մէջ դտնուած է : Մենք բնաւ ձեռք չենք դպցուցած կիներու եւ մանուկներու» :

## ԺԱՄԱՆԱԿԱԿԻՑ ՊԱՏՄ ՈՒԹԵԱՆ


րու, ինչպէս շինծու տեղեկագիրներէ ումանք պիտի ջանան հաւատացնել Ամերիկացիներուն»։ Թալէադ Պէյ պատրաստած էր իր ծրագիրը. — Տեղականութիւն — զինուորական անհրաժեշտութիւն՝ բայց կատարելապէս մարդկային։

Մայիսէն մինչեւ Օգոստոս՝ Օսմանեան կառավարութիւնը մեթոտիկ կերպով հետապնդեց ծրագիր մը՝ աւելի դժոխային քան հնարաւոր չուեզոյն ջարդը։ Փոքր Ասիոյ իւրաքանչիւր նահանգ հեռագրուեցաւ՝ բովանդակ Հայութիւնը դէպի Միջագետք տեղահան ընել։ Հըրամանը որո՞չ էր եւ մանրամասն։ Մուսուլթեան մատնուելու չափ աննշան գիւղակ մը չկար։ Մունետիկներ ազդարարեցին թէ աճեւն Հայ, այսինչ որոշատենին, պէտք է պատրաստ ըլլայ մեկնելու անձանօթ վայր մը։ Ծերեր, հիւանդներ եւ չղի կիներ բացառութիւն չէին



ԱՐԻՒՆՆԵՐՆԵՐ ԵՒ ՄՈՅԻՐՆԵՐՆԵՐ ՎԵՐՔ  
(Հայ փոխադասակացներ)

ՆՐ ԳՆՈՐՁ ՍՍԳՂՆՈՒԿ ԵՄԷ



## ՍԵՒԱԳՈՅՆ ԷՋԸ

կազմեր: Միայն Հարուստ վաճառականներ, դրամատէրներ եւ գեղադէմ կիներ ու աղջիկներ արտօնուած էին ազատ մընալ՝ Մահմետական կրօնքը ընդունելու պայմանաւ: Սակայն — չաւիտենական չարգա՞նք իրենց — Հատ Հատ անձեր միայն օգտուեցան փախուստի այս միջոցէն: Երկու օրէն մինչեւ վեց ժամ տըրուած էր պատրաստութեան Համար: Տընական առարկաներ, անասուն կամ աւելորդ զգեստ արգելուած էր տանիլ: Անկողինի կազմած եւ կերակուրի պաշար՝ ուժը ներածին չափ կարելի էր վերցնել, ուսին վրայ դրած: Եւ պիտի ֆաշիւն հետխօտն՝ կիզիչ արեւին տակ, անջրդի ձորերէն եւ ձիւնապատ լեռներու կիրճերէն: Ու Հարկ էր տոկա՛լ ճամբորդութեան մը՝ երեքէն մինչեւ ութ շաբաթ...:

Տեղահանութեան Հրամանը տակա-

ԺԱՄԱՆԱԿԱԿԻՅ ՊԱՏՄՈՒԹԵԱՆ

Լին չստացուած Քրիստոնեայ գիւղերէ անցնելու պարագային, կարաւանը արտօնուած չէր ընդունիլ կերակուր եւ կամ ոեւէ հոգածութիւն: Ծերեր, հիւանդներ եւ փոքր մանուկներ ինկա՞ն ճամբաներուն եզերքը, անգամ մըն ալ չելլելու պայմանաւ...: Երկունքի մէջ եղող կիներ սուիններով եւ խարազաններով առաջ կը քշուէին, մինչև որ մազը ազատէր զիրենք: Սիրուն աղջիկներ կը խըլուէին հարէմներուն համար, կամ, պահապաններու կողմէ կը բռնաբարուէին ամէն օր՝ սպասելով մահուան, իբր գլխառատ ազատարարի: Անոնք որ կրնային, անձնասպան եղան: Մայրեր, խելագար՝ գետը նետեցին իրենց զաւակները, անոնց տառապանքին վերջ տալու: Անօթութիւն, ծարաւ, լքում եւ ամօթ հարիւր հազարներով կիներ մահուան գիրկը տարին:

Նախ օրէ օր, չետոյ ժամ առ ժամ նօսրացաւ խղճալի կարաւանը: Ամէն ոք չուսատ՝ միայն մահուան փափաքեցաւ, քանզի հնա՞ր է որ չոչսը ապրի ճամբորդութեան մը մէջ որ վախճան չունի: Նոյն իսկ ամենէն զօրաւորին քով ուժ մնալ կարելի՞ է: Դժոխք առաջնորդող այդ ճամբէն աջ կամ ձախ խոտորոզներ հրացանազարկ կամ սուլինահար եղան: Անոնք որ փախչելով, չաջողեցան ազատուիլ պահապաններու ձեռքէն, Քիւրտերէ եւ հեծեալ գիւղացիներէ հետապինդ՝ գետին փռուեցա՞ն...:

Ու երիտասարդ Թուրքեր դեռ կը չարունակեն նուաճել Հայ լեղափոխութիւնը հո՛ն, Փոքր Ասիոյ մէջ!

Վերի պարբերութիւնը հազիւ աւարտած էի, երբ տունս եկաւ Անգլիացի կին մը, զոր տարիներէ ի վեր կը ճանչնամ: Ան մէկ ամիս առաջ թողած է

Ատանան: Իր պատմութիւնը չարեւնման է ուրիշներու պատմածին: Ես ունիմ նոյնօրինակ փաստեր՝ Ամերիկեան, Անգլիական, Գերմանական եւ Զուիցերիական ականատեսներէ, որոնց վկայութիւնները զիրար կը հաստատեն:

Անգլուհին ինծի այսպէս պատմեց.—

«Տեղահանութիւնը տակաւին կը շարունակուի: Ներքին նահանգներէն սկըսած մինչեւ Պաղտատի երկաթուղիի երկայնքին՝ անցնելով Ատանայի մէջէն՝ անոնք կը ղրկուին դէպի մահուա՛ն ուղեւորութիւն: Երկաթուղին, ամէն ուր որ գոյութիւն ունի, Բնաջնջումի գործը փութացնելու կը ծառայէ՝ աւելի արագ քան այն վայրերը, ուր կարաւաններ կը յառաջանան ոտքով: Ա՛հ, երանի՛ թէ միայն ջարդէին լմնցնէին, ինչպէս Համիտեան օրերուն: Ատանայի երկաթուղիի կայարանէն դիտեցի Հայ կիներ, ո-

րոնք, մանկիկները թեւերնուն վրայ բարձրացուցած, «Չո՛ւր» կը խնդրէին: Հացի ախորժակ չէր մնացած այլեւս անոնց մէջ: «Մի՛ այն Չո՛ւր, պո՛ւտ մը Չո՛ւր» կ'աղերսէին...: Զրհան մը կար: Ծունկի եկած՝ խնդրեցի պահապանէն թոյլատրել ինծի կաթիլ մը Չուր տալ: Կառախումբը շարժեցա՛ւ իսկոյն: Եւ վերջին լսածս կորուսեալներու աղիողորմ հառաչն էր...: Ասիկա մէկ անգամ չէ պատահած: Գրեթէ ամէն օր նոյն երեւոյթը կը կրկնուէր: Լորտ Պրայս 800,000 զոհե՞ր կ'ենթադրէ: Լա՛ւ, այժմ այդ թիւը մէկ միլիոնի հասած ըլլալու է: Կրնա՞ք երեւակայել մարդկային արարածներ, որ նոյն իսկ վայրենի անասունները այսպիսի մահով մը մահացունեն...:»

Բայց Ուաշինկթընի Թուրք դեսպանը տակաւին կը չայտարարէ թէ, այս

## ԺԱՄԱՆԱԿԱԿԻՅ ՊԱՏՄՈՒԹԵԱՆ

պատմութիւնները «չինծու» են, եւ թէ  
«Լիւներ եւ պղտիկներ չեն սպաննը-  
լած...:»

ԲՈՎԱՆԴԱԿՈՒԹԻՒՆ ԳԼՈՒԽ Բ. Ժ

Հայեր, իբր ցեղ, Թուրքիոյ ապահովութեան սպառնալիք չեն, եւ չեն եղած ամենեւի՛ն: Անոնք անպարտ են անհաւատարմութեան ամբաստանութեան, գոր իբր չփնդանք կը գործածուի ջարդերու եւ տեղահանութեան:

ԳԼՈՒԽ Բ.

«Հայկական Եղեռնի Ամերիկեան Յանձնախումբ»-ին Հրատարակած տեղեկագրին առիթով, Նիւ Եորքի Թրքական Ընդհանուր Հիւպատոս Ճէլալ Միւնիֆ Պէյ լայտարարեց. — «Վերջին քննութիւնով (last analysis) այս ցնցող դէպքերը թէեւ ցաւալի են, սակայն կրնանք ըսել թէ, Հայեր ինքզինքնին միայն պէտք է մեղադրեն»: Ճէլալ Միւնիֆ Պէյ առաջ կ'անցնի բացատրելու թէ, Հայերը չեղափոխութիւն կը նիւթէին, եւ թէ Թուրք զինուորներ սպաննեցին զանոնք, երբ բռնեցին «զինուած» եւ արիւնոտ ձեռքերով՝ (red handed) օրինաւոր իշխա-

## ԺԱՄԱՆԱԿԱԿԻՅ ՊԱՏՄՈՒԹԵԱՆ

նութիւններու դիմադրութիւն փորձելու պարագային:

Ասիկա Թրքահայոց ջարդերուն անփոփոխ բացատրութիւնն է, որուն ահանջալուր եղանք 1895-96ին եւ 1909ին: Միեւնոյն բանը կը լսենք նաեւ 1915ին: Բայց Հաստատող փաստեր չեն տրուած երբեք: Միւս կողմէ ունինք բացարձակօրէն Համոզիչ Հանգամանք կրող չայտնութիւն մը, որ ցոյց կուտայ թէ, ատո՛րքան անընդունելի է՝ իբր բացատրութիւն, եւ ո՛րքան անհիմն իբր ամբաստանութիւն:

1895ի եւ 1896ի կոտորածներուն ահանատես միսիոնարներու եւ Հիւպատոսական պաշտօնեաներու Հետ անձամբ խօսած եւ անոնց նամակներն ու տեղեկագիրները տեսած եմ: Այդ թուականներուն, անտանելի անարդարութեան եւ Հալածանքի պատճառաւ, Փրանսացիներ-

## ՍԵՒԱԳՈՅՆ ԷԶԸ

րու եկզօլթե \* կոչած դասին նման որոշ երիտասարդական կազմակերպութիւններ, գաղտնի ընկերակցութիւններու ձեւին տակ՝ ինչպէս ուսական ներքին կազմակերպութիւններ՝ շարժում ստեղծեցին, Հայերու եւ ուրիշ քրիստոնեաներու կացութիւնը բարուքելու նպատակաւ: Արդարեւ, եկզօլթե կոչուած այս անձերէն ոմանք պաշտպանեցին եւ փորձեցին աշխատիլ Հայաստանի անկախութեան Համար: Բայց անոնց փրփականտը երբեք չքաջալերուեցաւ եկեղեցական շրջանակներէ, եւ ոչ ալ Հող դատաւ Թրքահայ ժողովուրդի մեծագոյն զանդուածին մէջ: Բաց իՎանի վիլայէթէն, Հայեր ուրիշ տեղ բնակչութեան մեծամասնութիւնը չէին կազմեր այլեւս: Չափազանց ցրուած ըլլալով կաշարու-

\* Ինչ որ Հայեր մկրտած են «խենդ» կամ «խոովարար» անուններով: Ծ. Թ.

Թեան մէկ ծայրէն միւսը, անոնք չէին կրնար սնուցանել անկախութիւն ձեռք բերելու լուրջ յոյս մը, զոր Յոյներ, Սերպեր, Պուլկարներ եւ Ռուսացիներ կրցին իրականացնել Պալքանեան\* Թերակղզիին մէջ:

\* Այս չաչտարարութիւնով չեմ ուզեր ուրանալ թէ, դաստիարակուած Հայեր, ինչպէս ուրիշ ցեղի մը լուծին տակ ապրող ամէն ժողովուրդ, իրենց խորագոյն զգացումներով չեն տենչացած համազգային երազներու եւ խտէալներու իրականացման: Բաց Հայեր, ամէն բանէ աւելի, գործնական ժողովուրդ մըն են: Անոնք երբէք չեն ձգտած անհնարին նկատուած բանի մը: Մեծ Տէրութիւններու դիւանատուններուն եւ Բարձրագոյն Դրան դիւանաթուղթերուն մէջ Հայ ժողովուրդի նկատմամբ տեղի ունեցած հաղորդագրութիւններով՝ բուն հարցը եղած է ստանալ միայն այն բարեկարգութիւնները, որոնք պիտի ապահովեն սոսկ այն առանձնաւոր հոգիները և այնչափ մը ազատութիւն, որոնց տեկնալու իրաւունք ունէր Հայը՝ իբր Օսմ. հպատակ:

1913ին Մեծ Տէրութիւնները, մէջն ըլլա-

1909ի ջարդին ժամանակ բուն իսկ տեղին վրայ, ես ուսումնասիրեցի Հայոց դէմ եղած ամբաստանութիւնները: Կիլիկեան Հայերու դէմ եղած միեւնոյն ամբաստանութիւններու անհիմն ըլլալը հրապարակաւ փաստեցի՝ ի գոհացում իմ անձիս, (ինչպէս բազմաթիւ օտար թրղթակիցներու, որոնց հետ նաեւ Գերմաններ): Հարիւր Հայէն մէ՛կն իսկ ոչինչ չունէր չեղափոխական ընկերակցութիւններու հետ: Խոնարհ դասակարգը այդօրինակ փրփուկանտէ մը կարենալ ազդուելու համար շատ տգէտ էր: Հայ եկե-

լով Գերմանիան, Թուրք կառավարութեան առաջարկեցին Փոքր Ասիոյ մէջ իրագործելի բարեկարգութիւններու ծրագիր մը, զոր Թուրքիա համաձայնութեամբ ընդունեց, բաց գործադրութեան չդրաւ: Մինչեւ վերջին քանի մը ամիսներու եղեռնը, Հայերու միակ պահանջն էր ա՛յն բարեկարգութիւնները, զոր Թուրքիա ի՛նքն իսկ ուզած էր գործադրել:

ղեցին արդէն դատապարտած է երազատեաներու ցնորամտութիւնը: Գոլէճներու փրոֆէսորներ հակառակ խօսած եւ գրած են: Քաղաքացի հարուստ դասակարգը համարձակօրէն ցոյց տուած է գրգռիչներուն, որ իրենք չէ թէ կրաւորապէս, այլ եւ գործնականապէս հակառակ են այդ փրոփականտին:

Թուրքերը սակայն, Հայ չեղափոխականներէ վախնալու բնաւ պատճառ չունէին: Անոնք գիտէին այս պարագան: Եւ դեռ աւելին կայ, անոնք կը ճանչնային բուն իսկ եփզօլթէները: Թուրք կառավարութիւնը ինքզինք կըրնար լրապէս վստահեցնել թէ, փրոփականտիստներէն երկիւղ չկար: Եթէ կը վախնար անոնցմէ, ուզած վայրկեանին կրնար զանոնք ձեռք ձգել: Ատանայի մէջ 30-40 երիտասարդներու ձերբակալումը պիտի նշանակէր ցանցի մէջ առնել գըրգ-

ռիչներու ամբողջութիւնը: Փոխանակ այսպէս ընելու, 6000 Հայեր ջարդուեցան եւ քաղաքին կէսը կրակի տրուեցաւ: Յետոյ դարձեալ հրապարակ դըրուեցաւ Հայ չեղափոխութիւնը՝ որպէս արդարացում !:

Ատանայի կոտորածին չաջորդող զինուորական ատեանի մէջ, արգարութեան զարհուրելի վիժումը Երիտասարդ Թուրք Րէժիմի անկման սկիզբն էր: Այդ հեզնական ցուցադրումն էր Երիտասարդ Թուրքերու այն չաչտարարութեան թէ՛ Օսմանեան Կայսրութեան վերականգնումը կարելի էր Ազատութեան, Հաւասարութեան եւ Եղբայրութեան սկըբունքներուն վրայ: Այդ օրէն ի վեր, Թուրքիոյ նոր բարեկարգիչներու իւրաքանչիւր քայլը իրենց դաւանանքի սրտութիւնը ի չայտ բերաւ: Արդարութեան զարհուրելի վիժում ըսի, որով-



Հետեւ, ո՛չ մէկ տարր Հայերուն պէս ծափողջունեց Սահմանադրական Րէժիմի գալուստը: Ոչ մէկ ուրիշ տարր, անոնցմէ աւելի, հաւատարմօրէն զօրավիգ կանգնեցաւ Երիտասարդ Թուրքերու: Հայերու գործած միակ սխալը, սահմանադրական Րէժիմի առաջին ինը ամիսներուն, Սելանիկի մարդոց վրայ իրենց հաւատքին չայտնի եւ խանդավառ արտայայտութիւնն էր: Անոնք չեղափոխութեան փարեցան բոլորանուէր: Նոր Րէժիմի հանդէպ անկեղծ եւ ինքնաբուխ հոգածութիւն ցոյց տուին, եւ հաւատացին Երիտասարդ Թուրքերու՝ մինչեւ դառն չուսախարութի՛ւն...:

Պոզսոյ մեկ խօսքին վրայ, Կիլիկեան կոտորածը դադրելէն չետոյ, Տարսօնի Ամերիկեան միսիոնարական Հաստատութեան բակին մէջ, Թուրք պաշտօնեայի մը՝ Չարդէն վերապրողներուն ը-

րած մէկ ուղերձին ունկնդրեցի: Բանախօսը վստահացուց զանոնք, թէ վտանգը անցած էր, թէ բոլոր պատահածները Ապտ-իւլ-Համիտի հակա-չեղափոխութեան արդիւնք էին, թէ այլևս ապահով կրնային զգալ որ Աղատութիւն, Հաւասարութիւն եւ Եղբայրութիւն իսկապէս իրենցն էր: «Մենք, Երիտասարդ Թուրքերս», ըսաւ ան, «Հայերուդ հետ հաւասարապէս տառապած՝ դժբախտութեան ընկերներ ենք ձեզի»: Ու վսեմ հաւատքով մը — վսեմ եւ նոյնքան յիմար — Հայերու ստուար զանգուածը աւգամ ճըն ալ հաւատաց: Հայեր Չարդի բացատրականը գոհացուցիչ գտան եւ նորէն շարունակեցին թիկունք հանդիսանալ Օսմանեան կառավարութեան:

Ատանայի Չարդին չաջորդող չորս տարիներու ընթացքին, ժամանակիս մեծ մասը Պոլիս անցուցի՝ չարատեւ չարա-

բերութիւն պահելով Հայ ցեղի առաջնորդներուն հետ: Ոչ մէկ անգամ Օսմ. կառավարութեան հակառակ արտաբերուած բառ լսեցի Հայ եկեղեցականի մը, կամ դիրք ու համբաւ վայելող Հայ անձնաւորութեան մը բերնէն: Հաստատապէս գիտեմ թէ անոնք Օսմ. կառավարութեան հակառակ չէին շարժիր: Միւս կողմէ Երիտ. Թուրքեր համոզուած էին թէ, Հայերու հաւատարիմ պաշտպանութեան եւ համագործակցութեան կը կարօտին: Իտալական եւ Պալքանեան երկու պատերազմներուն ատեն ալ, Թուրքեր տեսան Հայերու հաւատարմութեան հաւաստիքը: Իրենց Իսլամ եղբայրներու կողքին, Թուրք բանակի Հայ զինուորներ արիաբար կռուեցան հասարակաց հայրենիքին համար: Վտանգի եւ ճզնաժամի պահուն Թրքահայեր օգնեցին իրենց Օսմանցի հպատակակիցներուն: Ի-

րենց արիւնը նուիրեցին Թուրքիոյ: Օսմանցի Յոյներուն նման, անոնցմէ կարելի չէր կասկածիլ, որ սնուցած ըլլալին թաքուն տենչեր՝ թշնամի բանակին ջաջողութեան նկատմամբ:

Անարդար և անհեթեթ է Օսմանեան կառավարութեան համար, Հայ Հպատակներուն ընդդէմ իր ամբաստանութիւններուն իբր փաստ, չիչել սա պարագան թէ՛ Ռուս բանակին՝ մէջ բազմաթիւ Հայ կռուողներ կան: 1878ի պատերազմին հետեւանքով Թուրքիա հարկադրուեցաւ Ռուսիոյ թողուլ Հայաստանի հողէն մաս մը: Այդ հողամասին, ինչպէս նաեւ Կովկասի մէջ ապրող Հայեր, մօտաւորապէս քառասուն տարի Ռուսական տիրապետութեան ներքեւ մնալով, բնականաբար, Թուրքերուն դէմ պիտի կռուէին՝ իբր Ռուսահպատակ: Թուրքիոյ մէջ գտնուող Հայերու

## ԺԱՄԱՆԱԿԱԿԻՑ ՊԱՏՄՈՒԹԵԱՆ

Հաւատարմութեան հանդէպ իրենց կասկածին իբր ապացոյց՝ Ռուս բանակին մէջ Հայերու ներկայութիւնը մատնանը՝ շելով, Թուրքն ու իր Գերման ջատագոյնները կը շահագործեն Եւրոպական և Ամերիկեան խիստ անկատար ծանօթութիւնը՝ Վանէ անդին տարածուող երկրամասի աշխարհագրական դիրքին եւ պատմական անցքերուն վերաբերմամբ: Դաշնակից բանակներու մէջ Հայ կամաւորական մարմիններու գոյութիւնը, եւ Ֆրանսա ու Մեծն Բրիտանիա գտնուող Հայ Հասարակութիւններու կողմէ Դաշնակիցներու դատին ինպատ ըրած չափնի ձեռնտուութիւնը Հայերու Համար դժբաղդութիւն մըն է դարձեր: Թուրքիայէն հեռացած աքսորական այս Հայերը, անհա՛տապէս իրաւունք ունէին իրենց ուղածը ընելու. իբր Հասարակութիւն՝ լաւագոյն էր — եւ ներկայիս ալ

## ՍԵՒԱԳՈՅՆ ԷՋԸ

է — ձեռնպահ մնալ: Թէեւ առանց արդարացումի, Թուրքեր եւ Գերմաններ, Թուրքիայէ դուրս գտնուող այս փոքրիկ Հայ գաղութներու ցոյցերէն կը դատեն Թուրքիա բնակող Հայերու մտադրութիւնը եւ ոգի՛ն: Նոյնիսկ չաջողած են շատ չէզոքներու շփոթութիւն պատճառել՝ Հայ իրականութեան ստույգ պարագաներուն շուրջ:

Ներկայ ջարդերու եւ բռնի տեղահանութեան ժամանակ, եթէ երբեմն վայրերու Հայեր — ինչպէս Ատանայի մէջ 1909ին — իրենց տուներն ու սիրելիները զէնքով պաշտպանեցին, ատիկա տեղի է ունեցած այն ատեն միայն՝ երբ Օսմ. կառավարութիւնը թերացաւ իր պարտականութեան մէջ, եւ երբ Հայեր Համոզուած էին թէ իրենց բնաջնջումը վճռուած է: Նոյն իսկ այդ պարագաներուն, ինչպէս Ատանայի մէջ, տեղական

Իսլամ մոլեռանդութեան դէմ Կ. Պոլսոյ կառավարութեան տուած ապահովութեան խոստումին Հայեր անգամ մըն աչ հաւատացին: Դարձեալ կարեւոր կը նըկատեմ չիշեցնել իմ ընթերցողներուս, թէ աչս ամէն գրածներս Հաստատուած են ականատեսներու վկայութեան վրայ: Այսպէս, ամէն առթիւ թուրքեր դաւաճանեցին Հայերու Հաւատքին: Օսմ. կառավարական պաշտօնեաներ, դրժելով իրենց Հանդիսաւոր խոստումները, ըսպաննեցին Հայերը, երբ վերջիններ իրենց զէնքերը չանձնած էին:

Վան միակ կարելի բացառութիւնը սեպելով, չկար ուրիշ ոեւէ տեղ, ուր թուրքեր ամենադոյզն կասկածի իրաւունք ունենային թէ՛ թշնամիին Համակրիլ կը նշանակէր Հայերու տեղական մէկ քանի փորձերը՝ ջանալով պաշտպանել իրենց կիներն ու զաւակները: Եւ Վան

Փոքր Ասիոյ մեջ կատարուած ջարդերու եւ տեղահանութեան ԵՐԵՍՈՒՆ ԿԵԴՐՈՆՆԵՐԻՆ մե՛կ կ'հատն է միայն:

Օսմանեան կառավարութիւնը թո՛ղ մէջտեղ դնէ իր փաստերը — եթէ երբէք ունի — Հաստատելու Համար իր ճիգը թէ՛ Թրքահայեր կայսրութեան ապահովութիւնը վտանգել կը ծրագրէին:

ԲՈՎԱՆԴԱԿՈՒԹԻՒՆ ԳԼՈՒԽ Գ.Ի

---

Հայ տարրի պահպանումը Օսմ. կայսրութեան բարգաւաճումին եւ բարութեան համար բացարձակ անհրաժեշտութիւն է: Դարերու ընթացքին ապացուցուած է թէ՛ Քրիստոնեայ և իսլամ խաղաղ եւ համերաշխ կրնան ապրիլ Թուրքիոյ մէջ, որ երկուքին ալ հայրենիքն է հաւասարապէս:

ԳԼՈՒԽ Գ.

Մարդ, ընդհանուր սկզբունքով, կը վարանի խորհրդատուի կամ զգուշացրնողի դերը կատարել պատերազմի մէջ գտնուող ազգի մը, ցոյց տալով թէ ի՞ր իսկ շահերը ի՞նչ կը պահանջեն: Կեանքի եւ մահուան կռիւի մը պարագային, ինչպիսին է ներկայ պատերազմը, բնականաբար պիտի ենթադրուի թէ՛ իր շահերուն տեսակէտէ՛ ազգի մը լաւագոյն դատաւորները Հէնց այդ ազգը եւ իր կառավարիչներն են: Օտար աղբիւրներէ եկած խրատներու անաչառութիւնը կասկածի ենթակայ է: Հետեւաբար օտարի մը խրատը, եթէ ոչ բացարձակ անհեթեթութիւն, առնուազն խրատ

տուողին տգիտութեան և տկարութեան նշան կը նկատուի:

Բայց դրութիւնը Օսմ. կառավարութեան մէջ Եւրոպական ոեւէ երկրի մէջ եղածէն բոլորովին տարբեր է: Օսմ. կայսրութեան ոչ-Քրիստոնեայ տարրերուն մէջ չեն գտնուիր հարկ եղած թիւով դաստիարակուած անձեր, որ չէ թէ առաջնորդողի, այլ նոյն իսկ հասարակաց կարծիք ձեւակերպողի ձեռնհասութիւն ունենան: Հետեւաբար Թուրքիոյ մէջ հասարակաց կարծիք գոյութիւն չունի: Կառավարող ուժը մնացած է շարունակ փոքրաթիւ, ապականած և կաշառարոյժ խմբակի մը ձեռքերուն մէջ: Եւ Օսմ. ազգը, Եւրոպական ազգերու պէս, ժողովրդային հաստատութիւններու եւ շարժումներու շուրջ վստահութիւն ներշնչելու աստիճան չէ զարգացած բնաւ:

Արտաքին աշխարհին հետ, կայսրութեան մէջ գտնուող ոչ-Իսլամ տարրեր ուրախութեամբ ողջունեցին նոր Րէփորմը՝ 1909ի Սահմանադրութիւնը նրկատելով, առանց կրօնքի և ցեղի խըտութեան, Թուրքիոյ մէջ ապրող բոլոր ժողովուրդներուն համար պաշտօնի ըսկըզբնաւորութիւնը ընդդէմ այն միապետութեան, որ փորձով ապացուցուած էր թէ՛ հաւասարապէս վնասակար է — եթէ ոչ հաւասարապէս ճնշիչ — բոլոր այն ժողովուրդներուն, որոնք ենթարկուած էին Երլտըզ Քէօշիկի բռնակալութեան:

Եւ սակայն շուտով տեսնուեցաւ թէ, Ազատութիւն, Հաւասարութիւն եւ Եղբայրութիւն տեղ չունէին Երիտասարդ Թուրքերու Սահմանադրական Պետութեան ըմբռնումին մէջ: Քլիք մը ուրիշ քլիքի մը փոխանորդած էր պարզապէս. «հա՛ ա՛մէնը: Կային անկեղծ խոստմնա-

պահ, ինչպէս նաեւ կամեցող, Երիտա-  
սարդ թուրքեր, որոնց շարժառիթը  
կասկածի տակ չիցնար: Բաց այս վեր-  
ջիններու թիւը այնքան փոքր էր որ, չէին  
կրնար չաղթել Միուլթեան եւ Յառաջդի-  
մուլթեան Կոմիտէի այն ազդեցիկ տիպին  
որ կը պարունակէ Թալէադ, Էնվէր,  
Ճավիտ, Ճէմալ, Խաչրի, Ահմէտ Րիզա,  
Տր. Նազիմ, Հաճի Ապտիւլ Պէտրի եւ  
Հիւսէին Ճաչիտ: Եռանդոտ թուրքեր  
չէին կրնար սպասել որ Մազմանադրա-  
կան սկզբունքներու նեցուկ կանգնի  
կայսրութեան մէջ գտնուող Մազմետա-  
կան չափազանց տգէտ բնակչութիւնը:  
Քրիստոնեաներ, անբաղդատելի կերպով  
բարձր դաստիարակութիւն ստացած,  
չատ աւելի պատճառներ ունէին գնահա-  
տելու նորահռչակ Ազատութիւնը: Քա-  
ղաքականապէս վերածնուող թուրքիան  
Քրիստոնեա՛յ տարրին միայն կրնար

կռթնիլ: Այս է միակ պատճառը, որով,  
Ապտ-իւլ-Համիտի չաջորդող նոր խըմ-  
բակին համար, Հայ տարրը վտանգի աղ-  
բիւր մը դարձաւ անմիջապէս: Եւ, այս-  
պէս ասած, Երիտասարդ թուրքեր ուղ-  
ղակի զինուեցան Հայ ժողովուրդին դէմ,  
Ապտ-իւլ-Համիտի պէս, որպէսզի անոնք  
անկարող ըլլան թուրքիոյ վերածնու-  
թեան խմորը դառնալու: Մազմանադրու-  
թիւնը, զոր Հայեր ողջունեցին իբր  
սկզբնաւորութիւն փաղափակեալ ազա-  
տագրութեան, անմիջապէս եւ անխու-  
սափելիօրէն փոխուեցաւ իրենց մահուան  
դատաւճիռին:

Խորապէս ուսումնասիրելու պէտք  
չկայ: Կը բաւէ լոկ կարդալ Օսմանեան  
կայսրութեան պատմութեան այն մասը  
որ կը սկսի Խրիմի պատերազմէն, երբ  
Անգլիա եւ Ֆրանսա ազատեցին թուր-  
քերը: Այդ ժամանակ ծնաւ... «բարե-

## ԺԱՄԱՆԱԿԱԿԻՑ ՊԱՏՄՈՒԹԵԱՆ

կարգութեան Հարցը», զոր Մեծ Տէրութիւններ ներկայացուցին Բարձրագոյն Դրան: Եւ Հայեր, ճիշդ այդ վայրկեանէն, քաղաքակրթութեան դատին անգիտակից զոհերը դարձան Մօտաւոր Արեւելքի մէջ: Պէրլինի Վեհաժողովը Հաստատեց այս իրողութիւնը:

Ռուսիոյ անդր-կովկասեան քաղաքականութիւնը եւ Մեծ Պետութիւններուն Պալքանեան քաղաքականութիւնն էր որ, նախ արթնցուց, այնուհետև դրդապատճառը դարձաւ Թուրք Իսլամ մոլեռանդութեան՝ ընդդէմ Հայերուն: Հայկական վիթխարի ջարդերու ականատես եղա՞ծ է աշխարհ՝ նախ քան «Արեւելեան Հարց»ի սուր Հանգամանք ըստանալը: Այսուամենայնիւ, Քրիստոնեայ Եւրոպան միաՀամուռ ջանք մը չթափեց՝ ազատելու այս դժբաղդ ցեղը, Թուրքին Հետ բուն իսկ իր — Եւրոպայի —

## ՍԵՒԱԳՈՅՆ ԷՋԸ



ԱՆԳԻՆ ԱԻԱՆԴ ԱՆՆԱՍԸՆԹԱՅ ԱՂԵՏԷՆ  
(Էրզրուածցի երկու աղջիկներ՝ Ամերիկա բերուած)

ունեցած անձնական Հաշիւներուն Հետեւանքէն:

Ապահովաբար, Հայեր, որոշ չափով, տառապած են շարունակ Իսլամ լուծին ներքեւ՝ ընկերային եւ քաղաքական իրենց անզօրութիւններուն բերումով: Բայց Հայը, բաղդատաբար ապահով, եւ ինչո՞ւ չէ, նոյն իսկ բարգաւաճուած լայն չափով մը, դարեր ապրած է իբր Օսմ. Հպատակ: Թուրքերու եւ Հայերու միջեւ չարաբերութիւնը այնքան ալ գէշ չէ եղած: Այս երեւոյթը ստուգելու առիթ ունեցեր եմ Թուրքիոյ զանազան մասերուն մէջ: Թուրքեր, Արաբներու պէս, ի բնէ մոլեռանդ չեն: Հայկական Հալածանքներն ու ջարդերը կըրօնական պաշտարի Հնաւուրց խնդիր մը չէ, ինչ որ Եւրոպական եւ Ամերիկեան Հասարակութիւններ սխալմամբ կը կարծեն ընդհանրապէս: Դարձեալ, Հայ ջար-

դերը տեղի չեն ունեցած որովհետև Հայեր՝ իբր սեղանաւոր՝ դրամ փոխ տալով, պարզամիտ Թուրքեր խաբած են ու ճնշած, ինչպէս չաճախակի եւ չամառօրէն կը պնդեն շատեր, որոնք չիմարութիւնը կ'ունենան բացատրելու ելլել, եւ նոյն իսկ արդարացնել (ո՛վ երկինք!) Հայկական կոտորածները: Վերջիջեալ երկու տիրող Համոզումներուն առաջինը կը հերքուի անով որ, Հայկական ջարդերը վերջին քառորդ դարու գործեր են, մինչդեռ Հայ և Թուրք եօթ դարերէ ի վեր միատեղ կ'ապրին Փոքր Ասիոյ մէջ: Երկրորդ կարծիքը ինքնին ջուրը կ'իջնայ, քանի որ ջարդերը սահմանափակուած չեն մեծ քաղաքներու մէջ, ուր բազմաթիւ բարեկեցիկ Հայեր կը գտնուին, այլ, ճիշդ նոյն կերպով եւ աստիճանով, կոտորածներ տեղի ունեցած են տգէտ եւ աղքատ Հայ Հասարա-

կութիւններու մէջ, գիւղերը:

Չկայ բան մը աւելի՛ չիմարական, բնութեան եւ պատմութեան աւելի՛ Հակառակ, քան այն գաղափարը թէ՛ Հայ Հարցի լուծումը եւ Հայ ցեղի փրկութիւնը Հնարաւոր է զանգուածային արտագաղթով, դէպի Ամերիկա, եւ կամ ուրիշ երկիր մը: Հայեր Ասիական Թուրքիոյ բնիկներն են: Ամբողջական գաղթով կարելի է ազատել մէկ քանի Հարիւր Հազարներու կեանքը: Բայց այդօրինակ ազատութիւն մը վերապրողները սրտաբեկ պիտի ընէ: Ատիկա պիտի նըշանակէր՝ իբր ցեղ եւ իբր ազգ՝ Հայերու անհետացումը, նոյնքան ստույգ որքան անոնց կատարեալ փճացումը ջարդերու միջոցով: Ըսողներ կան թէ, ի՞նչ է ըրեր Հայ ցեղը, որուն անհետացումը մտահոգութիւն պատճառէ: Եւ միթէ կեանքի սերը (jus soli) հայրենիքի սիրոյն

(jus patrie) չափ զօրաւոր չէ՞, մանաւանդ  
այն երկիրները ուր արեւ կը շողայ...:

Թուրքերու բարօրութեան եւ բար-  
գաւաճումին տեսակէտէ իսկ, Հայերու  
գոյութիւնը անհրաժեշտ է Փոքր Ասիոյ  
մէջ: Քաղաքականապէս և տնտեսապէս՝  
առանց Հայերու օգնութեան՝ Թուրքեր  
չեն կրնար ապրիլ անկախ, եւ ամենա-  
փոքր աստիճանով ինքնապաշտ և վիճակի  
մէջ: Հայկական դէպքեր չիշել կուտան  
ոսկեձու ածող սագի սպաննութեան հէք-  
եաթը: Իրենց արգահատելի տգիտու-  
թեան մէջ, արիւնախանձ մոլեգնութիւ-  
նով, Թուրքեր կը չարձակին կը սպաննեն  
զանոնք, որոնց գոյութիւնը նախապէս  
թանկարժէք ու կենսական է իրենց իսկ  
հասարակական եւ ազգային կեանքին  
համար: Ճամբորդէ՛ ամենուրեք Թուրք  
կայսրութեան մէկ ծայրէն միւսը, չպիտի  
հանդիպիս բարգաւաճ հասարակութիւն-

ներու՝ առանց Հայերու ներկայութեան:  
Յոյներ՝ Թուրքիոյ ծովեզերեաց քաղաք-  
ներու տնտեսական կեանքին մէջ մեծ  
դեր կը խաղան: Սակայն, բոլոր ներսի  
գաւառներուն մէջ, Հայեր հարկապաշ-  
մանն (sine qau non) են եւ անփոխարի-  
նելի տարրը Թուրքերուն համար:

Անցեալ վեց ամիսներու արհաւիր  
պատահարներէն առաջ՝ առանց հակա-  
սութեան մէջ ինչալու՝ կրնանք ըսել թէ  
Թրքահայեր ո՛չ մէկ տեղ թուական ա-  
ռաւելութիւն կը ներկայացնէին, Թուրք  
կայսրութեան քաղաքական անկախու-  
թիւնը վտանգելու աստիճան: Սակայն  
պէտք եղածին չափ Հայեր կը գտնուէին  
ամէն տեղ՝ երաշխաւորելով Թուրքիոյ  
տնտեսական անկախութիւնը:

Թուրք կառավարութեան քաղաքա-  
կան եւ տնտեսական անկախութեան տե-  
սակէտէ՝ Հայերը Փոքր Ասիայէ արմա-

## ԺԱՄԱՆԱԿԱԿԻՅ ՊԱՏՄՈՒԹԵԱՆ

տախիլ ընելու փորձը, կամ բնաջնջումի  
ծրագիրը է՛ն մահացու հարուածն է,  
զոր Թուրքեր կուտան իրենք իրենց:

Խելացի եւ հայրենասէր Թուրքեր  
հաւանաբար նկատած են այս պարագան:  
Հայերու փճացումը շահաւոր է որո՛շ  
ազգի մը: Բայց այդ ազգը վստահաբար  
Թուրքիան չէ...:

ԲՈՎԱՆԴԱԿՈՒԹԻՒՆ ԳԼՈՒԽ Դ.

Գերման կառավարութիւնը կրնար արգիլել Թուրքիոյ հայաջինջ ձեռնարկը, բայց ան որոշած է ոչինչ ընել: Լուրջ պատմառներ կան հաւատալու թէ՛ Գերման կառավարութիւնը, եթէ չէ՛ քաջալերած, ապահովարար ծափողջունած է Հայերու անհետացումը Փոքր Ասիայէն, որպէսզի Գերմանիոյ քաղաքական և տնտեսական ծրագիրը դիւրաւ ի գործ դրուի Օսմ. կայսրութեան մէջ:

ԳԼՈՒԽ Դ.

«Գերմանական Միութիւն Քրիստոնէական սէր տարածելու Արեւելքի մէջ» անուն ընկերութեան պաշտօնաթերթը «Սօնընաուֆկանկ» հրատարակեց Գերմանացի Հայրենասէր տիկնոջ մը, 1915 Յունիս 4 թուակիր, Մարաշէն գրած մէկ նամակը, որուն մէջ կը կարդանք, «Ա՛հ, եթէ միայն կարենայինք գրի առնել ի՛նչ որ կը տեսնենք մեր աչքերով»: Փոքր Ասիոյ Գերմանացի միսիոնարներն ալ, օտարազգի միսիոնարներուն չափ, սարսափահար եւ սրտմտած են, Հաւասարապէս Համակրալիը Հայերու Հանդէս: Տարակոյս չունիմ թէ, միլիոնաւոր Գերմաններ կան այսօր, որոնք եթէ թոյլա-

տրրուէին նշարտութիւնը գիտնալ՝ Հայ ցեղի բնաջնջումին դէմ խստօրէն պիտի բողոքէին իրենց կառավարութեան, եւ պիտի խնդրէին Աստուծոյ անունով բան մը ընել, թոյլ չտալու որ Գերմանիա պատմութեան նշաւակ դառնայ, իբր մեղսակից ահաւոր ոճիրներուն, որոնք կը գործադրուին ի թուրքիա:

Յոյց արուեցաւ թէ, Հայ ցեղի Հանդէպ Մահմետական մոլեռանդութեան պատճառ գոցութիւն չունի: Առանց կեդրոնի եւ տեղային իշխանութիւններու ուղղակի Հրամանին, առանց զինուորական եւ ոստիկանական աջակցութեան, սոսկ իրենց նախաձեռնութիւնով թուրքեր Հայ չեն սպաննած: Քանի որ, միեւնոցն վաչրկեանին Փոքր Ասիոյ մէջ ամենուրեք սկսուած Հայ ցեղի բնաջնջումի այս փորձը սխառտմադիք ծրագրի մը արդիւնքն է, կազմակերպուած եւ

Հրահանգուած Պոլիսէն, Հետեւաբար, պատասխանատուները Հարկ է փնտռել թուրք կառավարութեան Պոլսոյ պաշտօնեաներուն մէջ: Զգուշաւոր, մանրակրկիտ կերպով ծրագրուած, եւ անընդհատ առաջ տարուած, Հայկական ջարդերն ու տեղահանութիւնը չղացուած են մեկու մը կողմէ, Հրամայուած են մեկու մը կողմէ, եւ գործադրուած են առանձնաչատուկ նպատակի մը Համար: Ո՞վ է չղացած: Ո՞վ է Հրամայած: Հայկական արիւնոտ իրականութեան ետին ի՞նչ կայ թաքնուած:

Այս գաղափարը նոր չէ: Ինչպէս տեսանք, Հայեր իրենց վրայ Հրաւիրեցին Երիտասարդ թուրքերու անվստահութիւնը եւ ատելութիւնը, ամէն ինչ լրջօրէն ընդունելով եւ հաւատալով թէ՛ Սահմանադրութիւնը իրական Սահմանադրութիւն ըլլալ սահմանուած էր: Ա-

տանայի ջարդը վերինը հաստատող (?) առաջին փորձն էր՝ անոնց կողմէ, որոնք խլելով Ապտ-իւլ-Համիտի իշխանութիւնը, որդեգրած էին անոր հաջաջինջ քաղաքականութիւնը եւ մեթոտները: Այդ օրերուն, մէկէ աւելի Երիտասարդ Թուրքերու բերնէն լսեցի իրենց սիրական խօսքը (bon mot), որ նոյն ատեն կը յեղչեղուէր «Հայկական Հարցէն ազատուելու միա՛կ կերպն է ազատուիլ Հայերէն»: Ատանայի մէջ սկսուած գործը վերջացնել քաղաքական իտէալ մը դարձաւ ամբողջ վեց տարի: Հասաւ իրականացումի պատեհառիթը, զոր Թուրքեր իսկոյն խլեցին:

Իաշնակիցներ երբ Տարտակեղի վրայ յարձակումի սկսան, Պոլիս գտնուողներուն յայտնուեցաւ Հայ ցեղի դատաւրճիորը վաղուց ստորագրուած եւ պահուած Բարձրագոյն Դրան և Սպարապե-

տական շէնքի խորշերուն մեջ պատրաստ դուրս հանուելու եւ գործադրուելու: Կարելի՞ է հաւատալ որ Գերման դեսպանութիւնը ատկէ անտեղեակ եղած ըլլայ. չետոյ Թալէաղի Հնա՞ր էր իր հրամանները արձակել՝ առանց նախապէս իմաց տալու Պարոն Վոն Ուանկընհայմի: Հաւանակա՞ն է որ Պէրլինի Գերման կառավարութիւնը այս բլանը գիտցած չըլլայ, ենթադրելով նոյն իսկ, որ իր Պոլսոյ ներկայացուցիչը իմաց տալ թերացած ըլլայ՝ Ահաւասիկ պարզ իրողութիւնները: Այսպէս, Պոլսէն ծրագրուած եւ հրամայուած էր բնաջնջումը, Թուրքիոյ Սուլթանին մէկ ու կէս միլիոն անմեղ, չանցաւոր ըլլալու աստիճան հաւատարիմ Քրիստոնեայ Հպատակներուն:

Պոլսոյ մէջ Գերման դեսպանն էր այն միա՛կ անձը, որ, իր կառավարութեան աջակցութեամբ, մէկ խօսքով կրնար ար-

գիրել Հայաջինջ հրամաններու գործադրութիւնը:

Գուցէ առաջին քանի մը շաբաթներուն, Գերման դեսպանը իրերու վիճակէն անտեղեակ ըլլար, բայց, երբ դեռ շատ ուշ չէր, իրմէ խնդրուեցաւ Գերմանիոյ ազդեցութիւնը գործածել՝ վերջ դնելու այն արարքին, որ ժամանակակից պատմութեան սեւագոյն էջը պիտի կազմէր:

Քանի որ, Հայերու բնաջնջումը ըսկըսելէ առաջ, Գերմանիա մերժեց միջամտել, ան խկապէս մեղսակից գըտնուած չըլլա՞ր մօտ մէկ միլիոն մարդկային արարածներու կորուստին՝ սուրով, սովով, ծարաւով, լքումով եւ բռնաբարումով: Հայերու չանցանքն էր «խոչընդոտ» ըլլալին: Եւ անոնց խոցելութիւնը եւ անպաշտպանութիւնը կը

կայանար Գրիստոնեայի իրենց հանգամանքին մէջ:

Եւ միթէ Գերմանիա ոճրագործին ընկեր (particeps criminis) չըլլա՞ր, երբ կընար, բայց չմիջամտեց Հայ ժողովուրդին ինպատ:

Դեսպան Վօն Ուանկընհայմ, Միաց. Նահանգներու առաջարկին վրայ, Պոլսոյ մէջ, Մորկընդոյի չայտարարեց թէ Գերմանիա թուրքիոյ ներքին գործերուն չի խառնուիր: Ուաչինկթընի դեսպան Վօն Պէրնչթօրֆ տեսնելով, թէ Հայկական ահաւոր նախճիրներու տեղեկագիրները խիստ ցաւառիթ տպաւորութիւն կը թողուն Ամերիկեան Հասարակութեան վրայ, նախ ուրացաւ ջարդեր պատահիլը: Յետոյ, երբ ուրացումը շարունակել անկարող դարձաւ՝ Հաստատուած դէպքերու առջև, այս անգամ Գերման ներկայացուցիչը փոխեց իր բանա-

## ԺԱՄԱՆԱԿԱԿԻՑ ՊԱՏՄՈՒԹԵԱՆ


ձեւը. «Այս ղէպքերը արդարանալի են, որովհետեւ անոնք տեղի ունեցած են Հայկական ապստամբութիւնը նուաճելու նպատակով:»

Ամերիկացի միսիոնար մը — մին աչն մարդոցմէ, զոր ես անձամբ կը ճանչնամ, եւ որուն խօսքին լռելեացն կրնաք վստահիլ — Ասիական Թուրքիոյ քաղաքներէն մէկուն մէջ տեսած է Գերման պաշտօնեաց մը, որ Թրքական Հրետանին կ'ուղղէր Հայ անդէն քաղաքացի բնակչութեան վրայ: Երկու տարբեր տեղեր, Գերմանացի հիւպատոսներ, եթէ ոչ այլ ինչ, գոնէ պաշտպանեցին ջարդի եւ տեղահանութեան Օսմանեան քաղաքակա- նութիւնը:

Լաչնադոցն եւ պատասխանատուութեան աւելի ընդհանուր բարոյական գետինի վրայ՝ իբր իր եղբօր պահապան՝ Գերմանիա չաւէտ դատապարտելի է, ինք



▲ ԿՈՎԿԱՍՍԱՆԱՅ ԳԵՂՈՒՂԻ ՄԸ  
(Ի՞նչ բնիկ առաջին ճէջ)



ՊԱՏԵՐԱՅՄԻՆ ԱՌԱՋ  
(Մանկապարտեզի սղջիկները)

## ՍԵՒԱԳՈՅՆ ԷՋԸ

միայն ունենալով միշտ, Եւրոպական բոլոր ազգերու մեջ, ջարդերը կասեցնելու զօրութիւնը, զոր չուզեց գործածել...

Գերման գրողներ, որոնք առաջինն են եղած տարփողելու Հայ ցեղը իր առաջինութիւններուն եւ քաղաքակրթութեան ի նպաստ կատարած իր դերին մէջ, այսուհետեւ դժուար պիտի գտնեն պաշտպանել — ի գոհացում իրենց ապագայ սերունդին — Գերման կայսրութեան անշարժութիւնը՝ ի տես Հայ ազգի բընաջնջումին:

Գերմաններու դէմ եղած արդարացի ամբաստանութեան առաջին փաստն է այն, որ լուռ մնացին եւ մերժեցին ոեւէ բան ընել, երբ իրենք միայն կրնային կործանումէ փրկել Հայերը: Այս պարագան ծանրակշիռ է: Երկրորդ փաստը, սակայն, չարագուշակ երեւոյթ ունի:

Հայ ջարդերու ետին պահուած նըպատակը փնտռելու ատեն, դէմյանդիման կուգանք պերճախօս մեղադրանքի մը՝ Գերման կառավարութեան եւ Գերման ժողովուրդին հանդէպ: Գերմանները եւ միայն Գերմանները պիտի օգտուին Հայ ցեղի բնաջնջումին:

Վերը ցույց տուի, թէ Հայեր էական ազդակն են եւ անպայման երաշխաւորութիւնը՝ Թուրքիոյ տնտեսական եւ քաղաքական անկախութեան, Փոքր Ասիոյ մէջ: Ճիշդ այս պարագան կը թուի ըլլալ քար-գայթակղութեան Գերման տիրապետութեան: Հայեր, առաւելապէս ուսած Ֆրանսական և Ամերիկեան դպրոցներու մէջ, Ֆրանսերէն եւ Անգլիերէն կը խօսին: Արեւմտեան Եւրոպայի եւ Ամերիկայի, մա'նաւանդ Անգլիոյ հետ իրենց ունեցած առեւտրական շարաբերութիւններուն պատճառաւ՝ Հա-

յեր, բնականաբար, Գերման առեւտրական ճամբորդներուն առջև «խոչընդոտ» եղած են: Իբր միակ առեւտրական եւ երկրագործական տարրը Փոքր Ասիոյ մէջ, Հա'յն էր որ, կրնար իր ինքնութիւնը պահել Եւրոպայի գաղթականական հոսանքին դէմ: Եւ ասիկա կը նշանակէր «արգելք» հանդիսանալ Անատոլի Գերմանացման ծրագիրին: Զէ թէ լոկ Պաղտատի Երկաթուղիին, այլ բոլոր այն բաներուն համար, զորս Պաղտատի երկաթուղին կը խոստանար՝ Քալդէր Ուիլհէլմ Երկրորդ Ապտ-իւլ-Համիտի հետ եղբայրացաւ, 1895-96ի Հայկական ջարդերուն վաղորդայնին:

Գերմանացիներուն, իբր անհատներ, անիրաւութիւն ընելու ամենադուրս փափաքը չունիմ, եւ ոչ ալ նպատակս է ակնարկել ուէ բանի, որ տրամաբանօրէն տեղ չունի Գերման միտքին մէջ: Լուսա-

## ԺԱՄԱՆԱԿԱԿԻՅ ՊԱՏՄՈՒԹԵԱՆ

ւորուած ազգեր, սակայն, յայտնապէս պատասխանատու են իրենց կառավարութեանց արարքներուն: Գերմաններ սարսափելի դէպքերու պատասխանատուութիւնը ստանձնեցին ներկայ պատերազմի միջոցին: Անոնք չափով մը կրնան չուսալ որ, երբ կիրքերը մարին, եւ երկու կողմերը իսկական գոչներով երեւան գան, թերեւս յաջողին ինքզինքնին ազատել կարգ մը ամբաստանութիւններէ: Եւ սակայն անկարելի է որ չքմեղանան այն ամբաստանութենէն, ըստ որում, թույլատրեցին Հայերու բռնաջնջումը — ոճիր մը, որմէ Գերմանիա միայն կրնայ օգտուիլ չուսալ:

## ԵԶՐԱԿԱՑՈՒԹԻՒՆ

Եւ արդ, իբր եզրակացութիւն, Համարձակ կերպով սա Հարցումը ընենք. «Չէզոք ազգեր Հայերու Հանդէպ ո՛րեւէ պատասխանատուութիւն ունի՞ն»:

Չէզոք ազգերու վերաբերմամբ առ Հասարակ, մեր տալիք պատասխանը կախում ունի սա պարագայէն թէ՛ ազգի մը ազդեցութիւնը եւ գործունէութիւնը տարամերժօրէն Հա՞րկ է սահմանափակուի ներքին գործառնութիւններու շրջանակին մէջ: Իրենց խիղճին եւ Աստուծոյ Կացնի պատասխանը տուողներ ճակատաբաց կ'ըսեն. «Ո՛չ, մենք մեր եղբոր պահապանը չենք: Մենք Հազիւ կրնանք մեր սեպհական հոգերը տանիլ»:

Եթէ այսօրինակ մտայնութիւն մը դեկավարած ըլլար ազգերու խորհուրդները անցեալ քսան դարերու ամբողջ տեւողութեան, արդեօ՞ք կարելի պիտի ըլլար Քրիստոնեայ քաղաքակրթութիւն մը ունենալ այսօր: Պատմութիւնը պիտի կըրնա՞ր արձանագրել ոեւէ այլասիրական գործ՝ ազգի մը վերաբերմամբ: Գերութիւնը ջնջել Հնարաւոր պիտի դառնա՞ր երբեք:

Կայ նաեւ երկրորդ դասակարգ մը, կազմուած անոնցմէ, որոնք կը հաւատան թէ մարդ մի՛այն հացով չապրիր, եւ կամ մարդ իր անձին համար մի՛այն չի ապրիր: Եւ թէ ազգեր, ինչպէս անհատներ, պատասխանատուութիւններ ունին Հանդէպ ուրիշներու, մանաւանդ երբ այդ ուրիշները տկա՛ր են ու ճընջըւա՛ծ:

Ամբողջովին մէկդի թողունք բարձր

բարոյականի վերացական, անշօշափելի պատճառաբանութիւնը, զոր երբ շեշտենք, շատեր՝ քմծիծաղով մը՝ իրենց ուսերը կը թօթուեն: Գանք թանճրացեալ պատճառին, որով երկու ազգեր ուղղակի պատասխանատու էին միջամտել Հայերուն համար: Չէզոք եւ կրասորական Հանդիսատեսներու մէջ, որոնք անձայն կը մնան երբ ժամանակակից պատմութեան սեւագոյն էջը կը գրուի, Ամերիկացիներ և Չուիցերիացիներ մոռնալու չեն, թէ իրենց դրամն ու իրենց ներկայացուցիչները ամբողջ երկո՛ւ սերունդ է որ Թուրքիոյ մէջ կը գործեն՝ Հայ ցեղը բարձրացնելու: Ֆրանսացիներու, Բրիտանացիներու, Գերմանացիներու և Իտալացիներու Հետ միասին, Ամերիկացիները ու Չուիցերիացիները մա՛նաւանդ՝ սատարեցին Հայ ցեղի ազգային ոգիի վերազարթնումին: Անոնք

## ԺԱՄԱՆԱԿԱԿԻՑ ՊԱՏՄՈՒԹԵԱՆ

նոր կեանք ներարկեցին Հայ Եկեղեցի-  
ին: Անոնք Հայ պատմութեան դաշտին  
մէջ Հետադատութիւններ ըրին, որոնց  
արդիւնքը աշխարհի ընծայեցին: Անոնք  
Եւրոպական լեզուներ սորվեցուցին Հա-  
յերուն, եւ Արեւմտեան քաղաքակրթու-  
թեան ոգին հաղորդեցին ցեղի մը, որ  
տոգտ եւ չտադէմ մնացած էր, Եւրո-  
պայէ անջատուած ըլլալուն բերումով:  
Ի՞նչ, միթէ գոհե՞ր փնտռել գացին՝ դը-  
րասանգներով զարդարելու գանոնք՝ ող-  
ջակեզի համար: Միթէ անոնք ուզեցին  
հո՞րթը գիրցընել, մորթուելու համար:  
Մի՛ ըսէք ոչ, քանզի Հայ ցեղը բարձ-  
րացնելու նպատակաւ անոնց թափած  
ջանքերուն գործնական արդիւնքն է այն  
երկար ճամբորդութիւնը զոր ըրին Ամե-  
րիկայէն եւ Եւրոպայէն մինչեւ Եփրատի  
Հովիտը — այժմ վերածուած Մահուան  
Հովիտի...

## ՍԵՒԱԳՈՅՆ ԷՁԸ

Լըջօրէն մտածենք: Եւ չետոյ, ի սէր  
Աստուծոյ, ՇԱՐԺԻ՛ՆՔ:



## ԱՂԲԻՒՐՆԵՐ

1.— Տեղեկագիր՝ Հայկական Ջարդերու Ամերիկեան Յանձնախումբին, Նիւ Եորք, Օգոստոս, 1915:

Այս տեղեկագիրը կը պարունակէ 35 քաղաքացիներ, զրուած Փոքր Ասիոյ ամէն կողմերէն, ընդգրկելով ժամանակամիջոցը Ապրիլ 27էն մինչեւ Օգոստոս 3, 1915: 25 հեղինակաւոր Ամերիկացիներ (ինչպէս Վսեմ. Օսքար Ս. Սթրաուս, Երկիցս Ամերիկեան Դեսպան Կ. Պոլսոյ, Քարտինալ ձէյմս Կիպլընդ, Ռարբի Սթիֆըն Ուայզ եւ Չարլս Ու. Էլիքթ, Նախկին Նախագահ Հարվըրտ Համալսարանի) ստորագրած են այս տեղեկագիրը, որ կը հաստատէ թէ վրկացութեան ամենափոքր մասն իսկ ենթարկուած է խնամոտ եւ մանրակրկիտ քննութեան:

2.— Պաշտօնական տեղեկագիր Երեսփոխանական վիճարանութեան, Լորտերու Տան մէջ, Չորեքշաբթի Հոկտ. 6, 1915:

3.— «Հաշկական Նախճիրներ» — «Ազգի մը Սպաննութիւնը», Լորտ ձէյմս Պրայսի ընդարձակ յառաջարանով, Լոնտոն Նոյ. 1915:

4.— Գերմանացի միսիօնարներու նամակներ, “Sonnenaufgang”ի ուղղուած, և Deutscher Hilfsbund für christliches Liebeswerk im Orientի կողմէ հրատարակուած:

5.— Տիգրան Անդրէասեանի պատմական — Թարգմանուած Վեր. Սթիֆըն Թրաուպրիճի կողմէ — լոյս տեսած “The Star of the East”ի մէջ: Լոնտոն Նոյ. 1915:

6.— Ականատեսի վկայութիւններ հրատարակուած Հետևեալ թերթերուն մէջ.— Պուլոնը Միւր-Մէր Թէլէկրէմ, Սեպ. 17, Փարիզ Թան, Սեպ. 15: Լի Մօթ Գուռիյէ տիւ Սանդր, Սեպ. 15: Թրիպիւն տը ժընէվ, Սեպ. 4, 24, Հոկ. 14: Ժուրնալ տը ժընէվ Հոկտ. 13 և 24: Կագէթ տը Լօզան, Հոկ. 24: Նիւ Եորք Իվիինկլ փօսթ, Հոկ. 18: Մանչէսթըր Կարտիքն, Օգ. 16 և Հոկ. 26: Լոնտոն Թայմզ Հոկ. 8: Ֆրանքֆուրթեր Չայքունկ Հոկ. 9: Փառի-Միտի

Հոկ. 17: Բուրը վերի թուականները 1915ի կը պատկանին:

7.— Տարբեր թուականներ կրող շրջաբերական նամակներ, Յուլիս 6էն մինչեւ Հոկ. 22, 1915 ղրուած Ամերիկեան Պօրտի կողմէ, կրելով ձէյմս Լ. Պարթըն ստորագրութիւնը. Պոսթոն, Մէս.:

8... Շարք մը անտիպ անձնական նամակներ: Յայտնի պատճառներով նամակագիրներու անունները եւ գրութեան վայրերը կարելի չէ հաղորդել:

9.— Անձնական խօսակցութիւններ վըստակելի անկեղծութիւն եւ անվիճելի հեղինակութիւն վայելող անձերու հետ, որոնք Պօլիսէն եւ կամ Փոքր Ասիայէն վերադարձած են Սեպտ. 15էն Նոյ. 20ի միջոցին: Այդ անձնաւորութիւններու անունները առ այժմ հարկադրուած ենք գաղտնի պահել:

ՅԱԶՈՐԴԱԿԱՆ ԷԶԵՐՈՒՆ ՄԷՋ


ԶԵՏԵՂՈՒԱԾ ԵՆ

ՀԱՅ ԿԵԱՆՔԻ ԴՐՈՒԱԳՆԵՐ

ՇՔԵՂ ՆԿԱՐՆԵՐՈՒ ՇԱՐՔՈՎ ՄԸ




ՊԱՏՄԱՆԱԿԱՆ ՀՍԿԱՆ ՀԱՅ ԱՆԿԱՆՈՒԹԵԱՆ (Տիգրան)  
ԱՌԱՆԴԱԿԱՆ ԱԶԱՏԱՊԱՇՏ ՀԱՅՐԸ ՀԱՅՈՒԹԵԱՆ (Հակոբ)  
ԿՐՕՆԲԻ ԵՒ ԱԶԳՈՒԹԵԱՆ ՎԷԴԷՐԱՆՔ (Վարդան, Տրդատ)




ԱՆՁՆԱԳԱՎԱՆ ԳԱՏՄԱԳԻՐԸ  
(Յոհաննես)


ԱՐԱՐԻՉԸ ՀԱՅ ԱՅԻՍՏՈՒՆԻՆԻՆ  
(Սուրբ Մկրտիչ)




ՀՆԱՒՈՒՐՑ ՀԱՅ ԵԿԵՂԵՑԻՆԵՐ  
Էջմիածին և Վարազ  
(Տապանակ՝ փոթորիկին մէջ)

ՀԱՅ ԿՐԾՈՒԿԱՆ ՏԻՊԱՆ ԵՐԿՐԱՆՆԵՐԻ ՄԱՓՈՒՓԻՒՄԻՆ  
(Ինչպե՞ր էին, չափը, վարձարկերը)






ՀԱՅ ՊԱՏԻՒԻՆ ՊՇՏՊԱՆԵՐՆԵ  
(Աւշաբեանն էւ Անդրանիկն)




ՀԱՐԱԶԱՏ ՅԱԶՈՐԴՆԵՐ ՀԱՅԿԱՑ  
(Քեռի, Վարդան եւ Համադասպ)



ԱՂԱՏԱԳՐՈՒԹԵԱՆ ԻՄՍՏՐՈՒՆԵՐ  
(Ա. Երեցեան, Հ. Բժ-Վեանց եւ օրհանլաւն սարգս ճր)

2,450 4208 1910 8m7



3179

2013

ԳԻՆ ԵՐ ՍԷՆԹ



Հասոյթին կէտը՝ սուրէն ու սովէն վերապրողներուն

*Handwritten signature*